



## Universitätsbibliothek Paderborn

**Sortes, Qvibvs, Ne Temere Cadant, Temperandis; Vel, Si  
Temere Dvcvntvr, Castigandis, Divini Ivdicii Æqvitas  
Semper Adest**

**Stengel, Georg**

**Ingolstadii, 1645**

§. 8. E nominibus, aut libris sortes diuinatoiriæ quam vanæ quāmq[ue]  
impiæ sint, & a quibus magnatibus vsurpatæ?

[urn:nbn:de:hbz:466:1-52306](https://nbn-resolving.de/urn:nbn:de:hbz:466:1-52306)

78 Cap. III. De illicitarū & diabolicarum

sæ sunt in dracones: ita hodieum cacodæmon homines dementat, ut dum sunt Orcini, sibi diuini esse videantur. Illi scire debent, antiquam hanc esse antiqui serpentis artem, ut se in Angelum lucis transfiguret, fallacissimāque promissione dicat: *Eritis,*

**Gen. 3. 5.** *sicut dij, scientes bonum & malum.* Accedit, hoc tempore, *diuinatòriam sortem* nec iussam à Dèo, nec, sine peculiari instinctu Dei permittam; sicut adhuc permissa fuit, quando B. Dei mater Iosepho sponsa data est, itidem virga eius germinante, ut quidam piè credunt.

### §. VIII.

*Ex nominibus, aut libris Sortes diuinatoria  
quam vanæ, quamque impiaæ sint;  
Ora quibus magnatibus v-  
surpatæ?*

*Diuinatoria sorti olim valde dediti fuerūt*

**Sueton.** Augustus, Tiberius, itémque rex Pergamii  
**in Augu-** Attalus. Vtinam & nunc non etiam mul-  
**sto & Ti-** berio. *magnates se sinerent in hoc barathrum*

*præcipitari, vt consilia matrimoniorum,  
bellorum, aliorūmq, negotiorum sorti com-  
mitterent! Vidi homines, non de plebē,  
qui ex nominibus, mero parentum arbitrio  
impositis, fausta infaustāue matrimonia o-*

mis.

minabantur, dicebantque, uter coniugum prius esset è vita discessurus. Quæ est superstitionis *Onomantia*, à Græcis, in nomine Astyanactis, & ab Augusto, in nomine Niconis, obseruata. Quid si parentes alia nomina imposuissent, num fortunam mutassent filiorum? Quod si ita est, obseruarent utique homines, quænam nomina sint male omnata, quæ fortunam secundam afferentia: & stultissimi essent, si non omnes filios suos, Victores, Victorinos, Valerios, & Alexandros potius, quam Priamos appellarent. Verum est quidem, *Conueniunt rebus nomina saepe suis: & Nabal*, iuxta nomen suum, stultus fuit; sed saepe etiam non conueniunt. *Ioannes gratiosum aut pium significat*; multi tamen *Ioannes pī* non fuerunt, sed damnati sunt, ut exemplo esse potest *Ioannes Calvinus*. Eadem est superstitionis, quæ Pythagoræ tribuitur, in nominibus proprijs vocalium numerum parem prosperum, imparem infelicem interpretrans; aut numerum maiorem existimans, quasi idcirco *Hector* ab Achille sit superatus, *Hector*que superior evasisset, si fuisset Achilles nominatus. Enim numerò numeris vim aliquam diuinam, aut naturalem proprietatem tribuere, error est.

Elio

80 Cap. III. De illicitarū & diabolicarum

Apoc. 13.

Esto Apostolus nomen Antichristi , per numerum 666. significārit , quod factum est, Deo reuelante; & reuelante arcana sua, cui vult, non qui vult. Nam id ut fiat, petere, à doctis & pijs non probatur. Etsi enim revelationes plurimæ sanctis sint factæ ; tamen desiderare, plerumque otitur ex occulta superbia , æstimatione & amore sui; quia tales cupiunt suam alijs manifestā fieri sanctitatem , ( quæ tamen in talibus non constituit ) aut certè ex vana curiositate , quæ à Deo punitur. Ut autem nec litteris , nec numeris , ita neque verbis neque libris visilla physica aut diuinatoria inesse est credenda. Quod tamen itidem ab ijs creditum vidimus & usurpatum , qui alios , hac in re superstitionē credulos castigare debuissent. Fit hæc σοιχειομάντεια , aperto temerè Homeri aut Virgilij libro , & primo , qui obvius insipienti occurrit , versu obseruato. Ita Socrates olim mortis suæ diem ; Claudio , Macrinus , Gordianus iunior & alij Impp. tempus regni vel vitæ dicuntur conieciisse. Has Ethnicorum nugas imitati sunt postea etiam Christiani , Veteris aut Novi Testamenti apertione , quam Sortes Apostolorum appellauerunt. Contaminauerunt

Gregor. I.

8. Greg.

tunt se hoc genere *Sortis* Heraclius ; a- Tur. l. 4.  
pud Cedrenum ; Romanus Diogenes, apud hist. c. 16.  
Cuspinianū; Andronicus senior, apud Gre- & 20.  
goram; Charannus filius regis Francorum, Sim. Me-  
apud Gregorium Turonensem; B. Theodo- taphraſt.  
ra Alexandrina nondum bene catechizata, XI. Se-  
aptid Simeonem Metaphraſten; Gundul- ptembr.  
phus, apud Ranulphum; Meroueus item, Ranulph.  
apud Gr̄gor. Turon. apud quem tres codi- l. 7. Po-  
ces S. Scripturæ super S. Martini sepulchro lychro-  
collocantur, & sigillatim singuli aperiun- nic. c. 6.  
tur. Deniq; & Cardanus, & Cārdani imi- Gregor.  
tatores, & quicunque seriō adhibent librū Tur. l. 5.  
*Fortuna Rotam* dictum; aut alios, seu proſa, hist. Frāc.  
seu ligata oratione, vaticinantes; qui Eccle- c. 14.  
siæ Catholicæ plurib⁹ decretis damnati sunt C. ali-  
ſeuerissiméque etiam ab Urbano VfII. pro- quanti, &  
hibentur; præſertim, qui de morte Princi- c. si quis  
pum vanissima oracula mentiuntur. Neq; clericos.  
pro istis quidquam facit, quod ſupra recen- 26. q. 5.  
ſuimus; de S. Basilio, Auguſtino, Ignatio ; qui libros ſacros vtiliter aperuerunt, non ut futura inde diſcerent, aut occulta explo-  
rarent; ſed, vt in ſcripturis; alijs ſue pijs li-  
bris, doctrinam in ſolatium, aut exhorta-  
tionem in ſpiritualem fructū, reperirent:  
in quem vtiq; finem eiuscmodi volumina

F

fung

82 Cap. III. De illicitarū & diabolicarum

sunt à Deo nobis data. Sed ita est, etiam ipsijs pijs libris, quibus nos Deus vult uti, diabolus vult abuti.

§. IX.

Quid, apud Iudeos, Ephod, Sacerdotale, stola hieratica, epomis, diplois, Rationale, Vrim & Thūmim fuerint, in quibus Dominum consulebant?

Quod etiam facit in speculis. Constat è S. Scriptura, fuisse quendam occultorum Dei consiliorum iudiciorūmque ac prophetiæ modum, in applicatione *Ephod*, quod vel linteum erat, atque etiam minoribus ordinibus concessum, ut pueru Samueli; vel *Sacerdotale*, quod & *superhumeral* dicebatur, auro & trium colorū varietate conspicuum à Iosepho *stola hieratica, epomis, & diplois*, vocatum. Huic aureis catenulis appensum fuit *pectorale*, sic dictum, quia in pectus, propendebat, alio nomine etiam *Rationale*, *Rationale iudicij*, & *iudicium filiorum Israël*, itēmque *iudicium Vrim* nuncupatum. *Rationale* quidem, quia, more animalis ratione prædicti, ratiocinabatur: *Rationale* autem *iudicij*, quia diuinæ litteræ solent id, quod quisque facere debet, siue cuius-

I. Reg. 2.

Vide Ex-  
od. 28.

Exod. 28.  
15. & 30.

Num. 27.  
21.